

Dr. **Marcocci, demez dai 7 ai 18** de setëmbër, vëgn sostituì da dr. Ziad 334 95 94 162.

PLOANIES SAN MARTIN Y LUNGIARÜ

En lönesc (14/09): **Festa dl'Alzada dla Crusc**: 7.30 prozesciun S.Linert - La Crusc, 9.30 Mëssa, dedò ores d'adoraziun: 10-11 Badia; 11-12 Corvara/Calfosch; 12-13 La Val; 13-14 San Ciascian; 14-15 La Ila; 15.00 contlujiun y benedisciun.

Referat de siur **Pire Irsara sura Sant Ujöp da Oies** tla Ciasa de Palsa en dedolönesc, ai 15 de setëmbër, dales 15.00 (org. Raiun Sozial y Ciasa de Palsa). Düc é bel invia.

Incuntada dl Movimënt Catolich di Èi dla Val Badia en vëndres (18/09), dales 20.00, tl salf de colonia a San Martin; program d'ativité 2015/16; düc é invia.

Preparaziun dl bato ai 19 setëmbër tl salf manif. a La Val; prenot. 0474 523 274.

Festa por i geniturs de fis y fies cun bojëgns particulars ai 20/09: dales 12.00 mëssa sö Oies y 13.00 marëna sö La Majun. Prenot. cina dedolönesc 0474 843 060 danmisdé.

Sëra d'informaziun sura la **donaziun de organs** en dedolönesc (15/09), dales 20.00, tl salf de J.B. Runcher a Badia.

Iade di **Seniors d'Antermëia a Weissenstein** en dedemesaledema (16/09) da Antermëia dales 8.00, da S.Martin 8.15. Prenotaziuns pro Lisl 0474 520 013. Düc é invia.

Invit al **iade a Weissenstein dla Uniun dles porsones vëdues y sores** dla Val Badia al 1 d'otober. Informaziuns plü avisa ciafëise tla proscima plata.

Por **daidé i migranc sciampá ca tl'Europa** te na maniera plü concreta aspetunse do indicaziuns dala Diozeja y dal Decanat.

SAN MARTIN: Le Sorvisc ai Jogn lascia alsavëi che le **local di jogn da San Martin** é davert vigni dedolönesc dales 14.30 ales 17.30 dai 15 de setëmbër inant.

LUNGIARÜ: Le Sorvisc ai Jogn lascia alsavëi che le **local di jogn da Lungiarü** é davert vigni mercui dales 15.00 ales 18.00 dai 16 de setëmbër inant.

La **Uniun di Omi da Lungiarü invieia al peregrinaje a Weissenstein** en domënia ai 27 de setëmbër. I piun ia dales 7.30; a Weissenstein mëssa dales 10.00; marëna dal Brückenwirt Aldein; tru a ciasa por Kaltern. Le cost é 15 € por porsona; chi sot a 18 agn pó gní debann; la marëna mëss vignun se paié; i rovarun a ciasa incër les 17.00. Prenotaziuns: Dolorico Mischi 347 94 70 133 cina ai 24 setëmbër. Düc é bel invia.

Omeopatia por pici y gagn: **sëra d'informaziun sura l'omeopatia** cun la doturia Pamela Pitscheider en lönesc (14/09) tl Istitut a S. Martin dales 20.00.

Assistënza a ciasa (Hauspflege) dl **Raiun Sozial fej festa en gaujiun di 25 agn** en dedemesaledema (16/10) dales 15.00: mëssa a Oies cun siur Pire y dedò sté adöm.

Le consëi de Formaziun organisëia n iade cultural por la jënt dl Comun da San Martin **a Milan a vijité la EXPO ai 17 y 18 d'otober** (sabeda iade a Milan y vijita dla cité, domënia vijita dl EXPO y da sëra indò a ciasa). Le iade vëgn ma organisé sc'al se prenotëia jënt assá. Informaziuns y prenotaziuns cina al plü tert dedolönesc, 15 de setëmbër, pro Stephan 0474 523 110 o por e-mail: formaziun.vb@micura.it

Sot a www.micura.it ciafëise le **calënder dles manifestaziuns** Val Badia - altonn 2015.

Otedé a Abano Terme dai 15-22 de novëmbër tl Hotel Helvetia: 550 € por porsona (ciamena 1 let 610 €). prenotaziun pro Costa Monica 0474 590 069.



internet: www.valbadiaonline.com

Plata dles Ploanies San Martin y Lungiarü

siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

13.09.- 20.09.2015 nr. 42

termo da publiché: jöbia 20.00
radio: 90,40 / 93,70



24^a DOMÈNIA IA POR L'ANN B

Vangele: Merch 8,27-35

Spo àl metü man da i istruì che le Fi dl Om mëssarà patì tröp y gnarà refodè dai plü vedli, dai gagn proi y dai studià dla lege; al gnarà copè, mo do da trèi dis ressoriaral.

Y al baià davert daldöt de chësc.

Dailò l'è Pire tut da na pert y à metü man da le bruntorè.

Gejù s'è ôt y ti à ciarè ados a sü discepuì y à amonì Pire cun les parores:

Vàtun demez da mè, sàtann!

Deache tò ne n'as nia imënt ci che Dî ô, mo ci che la jënt ô.

Al à cherdè adalerch la meja de jënt y i discepuì y à dit:


Chël che ô me gnì do, chël s'un desdijes de sè instès toles süa crusc sön ël y me vëgnes do.

Pire ê n fi de so tëmp. Sciöche ël, la ponsâ düc i iüdes. Pire se dejidrâ n salvatur che ess cherié indò sigurëza, che ess indò metü apost les cosses sciöch'ares é plü dadî, cina ch'al n'è ciamó degügn foresc y ch'an podò vire en pesc.

Chësc é le dejier che tröpa jënt á ince incö, dantadöt tl ambiënt dla religiun. An oress che Chël Bel Dî branciass finalmënter ite y metess la jënt indò a rajoné, che les dljies gniss indò plënes, che chi che ne creì nia odess ite ch'ai é söl tru falé, ch'al regnass indò regoles tleres y ch'an savess coch'an á da s'la tó.

„Tò ne n'as nia imënt ci che Dî ô, mo ci che la jënt ô.“ ti dij Gejú a Pire. Gejú ne triumfëia nia, mo al vá por so tru zënza sforzè, al sun desdij de döt ci che le monn á da pité, al se lascia pestè sot da na sozieté iniüsta y aroganta. Al ne se para nia, al ne desmostra nia süa potënza y ne castiëia gnanca sü malfaturs, mo se lascia mëte söla crusc.

Al va por chësc tru, deach'al é le tru che arjunj i cörs dla jënt. Deache chësc él Idí che ó: nia na potënza de chësc monn, nia na istituziun sterscia che guerna la jënt, mo i cörs dla jënt. Chësc él Idí che ó, nia ci che la jënt ó.



	SAN MARTIN		LUNGIARÜ
13.09.15 24^a Domënia ia por l'ann B	9.00 Corona por la defunta Tarina Clara 9.30 Gran Mëssa por la comunité cun benedisciun dl tēmp 11.00 Bato de Maria Maddalena Dapoz	13.09.15 Domënia	7.55 Corona 8.15 Gran Mëssa por la comunité cun benedisciun dl tēmp
14.09.15 Lönesc <i>Festa dl'Alzada dla Crusc, Gabriel</i>	7.30 Prozesciun da S.Linert sö La Crusc 9.30 Mëssa sö La Crusc y ores d'adoraziun	14.09.15 Lönesc	7.30 Prozesciun da S.Linert sö La Crusc 9.30 Mëssa sö La Crusc y ores d'adoraziun
15.09.15 Dedolönesc <i>Santa Maria Adolorada, Dolores</i>	15.00 Referat de siur Pire tla Ciasa de Palsa 19.30 Mëssa por i nüc Edith Flöss y Christian Ellecosta + + + + Sorá, Pespach	15.09.15 Mertesc	
16.09.15 Dedemesaledema <i>Cornel y Ziprian</i>		16.09.15 Mercui	7.30 Mëssa families de Nando Clara + Costantino Mischi Reuniun dl consëi de cöra
17.09.15 Jöbia <i>Hildegard da Bingen, Robert</i>	7.30 Mëssa 2 ^a de sopoltöra de Tarina Clara + Amalia Erlacher Corona por vocaziuns 19.30 Incuntada cun i geniturs di scholars dles scores elementara y mesana te calonia	17.09.15 Jöbia	
18.09.15 Vëndres <i>Lambert, Richardis</i>	19.00 Adoraziun chîta 19.30 Devoziun eucaristica	18.09.15 Vëndres	7.30 Mëssa + Albina Clara + + Pire y Anna Pezzei
19.09.15 Sabeda <i>Jenare, Igor</i>	15.30 Mëssa tla Ciasa de Palsa 18.30 Mëssa prefestia + Vijo Clara (dl ann) + Mario Suto	19.09.15 Sabeda	20.00 Mëssa prefestia + Ivo Sorá dl ann Carlo y Pio Mischi dl ann Benjamin y Angela Clara
20.09.15 25^a Domënia ia por l'ann B	9.00 Corona 9.30 Gran Mëssa por la comunité <i>Patrozine a Weissenstein:</i> <i>Mësses dales 9.00, 11.00 y 14.00</i>	20.09.15 Domënia	7.55 Corona 8.15 Gran Mëssa por la comunité <i>Patrozine a Weissenstein:</i> <i>Mësses dales 9.00, 11.00 y 14.00</i>